

## 2. Óleyfileg vör.

55

Ef fundin eru óleyfileg eða of stór vör, skal veitunni lokað tafarlaust, og verður hún ekki opnuð fyrr en notandinn hefur greitt kr. 10.00 gjald á skrifstofu rafveitunnar.

6. apríl

Hreppsnefnd er heimilt að hækka eða lækka gjöld, sem ákveðin eru í fyrsta kafla þessarar gjaldskrár, um allt að 20 af hundraði, án sérstakrar staðfestingar ráðuneytisins, enda sé breytingin auglýst í Lögbirtingablaðinu áður en til hennar kemur.

Gjaldskrá þessi staðfestist hér með samkvæmt vatnalögum, nr. 15 20. júní 1923 og raforkulögum, nr. 12 2. apríl 1946, til þess að öðlast gildi þegar í stað, og birtist til eftirbreytni öllum þeim, sem hlut eiga að máli.

*Atvinnumálaráðuneytið, 6. apríl 1948.*

**Bjarni Ásgeirsson.**

*Þorv. K. Þorsteinsson.*

Staðfesting forsetans á skipulagsskrá fyrir „Minningarsjóð Þorbjargar Björnsdóttur frá Kirkjubóli“, útgefin á venjulegan hátt að mandatum af dómsmálaráðherra

56

6. apríl 1948.

6. apríl

Skipulagsskráin er þannig:

## SKIPULAGSSKRÁ

fyrir Minningarsjóð Þorbjargar Björnsdóttur frá Kirkjubóli í Kirkjubólshreppi í Strandasýslu.

1. gr.

Sjóðurinn heitir Minningarsjóður Þorbjargar Björnsdóttur og er stofnaður af hjónunum Margréti Þorsteinsdóttur og Matthíasi Helgasyni í Kaldrananesi.

2. gr.

Stofnfé sjóðsins er 2000 — tvö þúsund — krónur.

3. gr.

Sjóðinn skal ávaxta í Sparisjóði Kirkjubóls og Fellshrepps. Þó má ávaxta hann annars staðar, en ávallt skal þess gætt, að hann sé ávaxtaður á sem tryggastan og hagkvæmastan hátt.

4. gr.

Tilgangur sjóðsins er að styrkja efnilega unglunga innan Fellshrepps til framhaldsnáms, eftir að barnafræðslu er lokið, með styrkjum og verðlaunum. Skulu þeir, sem erfiðasta aðstöðu eiga, ganga fyrir um fjárstuðning eða verðlaun. Einnig má styrkja einstök heimili, sem hafa sérstaklega örðugar ástæður, svo sem vegna veikinda, eða á einhvern hátt hafa misst fyrirvinnu sína. Sjóðstjórnin ákveður hverjir skulu njóta fjárveitinga úr sjóðnum og ræður meiri hluti á fundum hennar.

56

6. apríl

Vextir skulu leggjast við höfuðstól þar til hann er orðinn kr. 20000.00. Eftir það má úthluta  $\frac{2}{3}$  vaxta þar til höfuðstóll er orðinn kr. 50000.00, þá skal leggja  $\frac{1}{10}$  hluta vaxta við höfuðstólinn. Höfuðstólinn má aldrei skerða.

5. gr.

6. gr.

Stjórn sjóðsins skipa þrjú menn: hreppstjóri og oddviti Fellshrepps ásamt formanni skólanevndar hreppsins.

7. gr.

Stjórnin veitir verðlaun og styrki úr sjóðnum, hefur á hendi reikningshald, heldur gerðabók og færir inn í hana skipulagsskrána, fundarsamþykktir, styrki og verðlaunaveitingar, ástæður fyrir þeim og annað, sem varðar hag og velferð sjóðsins.

8. gr.

Endurskoðun reikninga skal framkvæmd af þeim, sem endurskoðar reikninga hreppsins.

9. gr.

Leita skal staðfestingar á skipulagsskrá þessari og hún birt í B-deild Stjórnartíðindanna.

57

7. apríl

Staðfesting forsetans á skipulagsskrá fyrir „Sjúkraskýlissjóð hjónanna Einars Guðmundssonar og Ingibjargar Þorsteinsdóttur“, útgefin á venjulegan hátt að mandatum af dómsmálaráðherra 7. apríl 1948.

Skipulagsskráin er þannig:

## SKIPULAGSSKRÁ

fyrir Sjúkraskýlissjóð hjónanna Einars Guðmundssonar og Ingibjargar Þorsteinsdóttur, Bjargi á Akranesi.

1. gr.

Sjóðurinn heitir Sjúkraskýlissjóður Einars Guðmundssonar og Ingibjargar Þorsteinsdóttur.

2. gr.

Stofnfé sjóðsins er kr. 1604.23 — sextán hundruð og fjórar krónur 23 aurar — ánafnað Sjúkraskýli Akraness af Ingibjörgu Þorsteinsdóttur í erfðaskrá hennar, dags. 25. sept. 1934, og lagt inn í Sparisjóð Borgarfjarðarsýslu 31. maí 1938.

3. gr.

Sjóður þessi ávaxtast í A-deild Söfnunarsjóðs Íslands. Höfuðstólinn má aldrei skerða. Leggja skal alla vextina við höfuðstólinn, þar til sjóðurinn er orðinn 10000 — tíu þúsund — krónur. Má þá fara að verja allt að  $\frac{1}{2}$  hluta vaxtanna til styrktar sjúkrahúsi Akraness, eftir því, sem stjórn sjóðsins ákveður.

4. gr.

Stjórn sjóðsins skipa: Héraðslæknir, sóknarprestur og elzta lögskipuð ljósmóðir. Stjórnin skal halda gerðabók fyrir sjóðinn, þar sem skráðir eru ársreikningar